

Neroth in de vulkaaneifel

Neroth in de vulkaaneifel.

Op waeg nao **Hotel Am Eifelsteig** in Neroth woorte we everal verras door prachtige bloesembuim.

Door 't opkómmend greun loog d'r 'n greune waas euver 't dal.

Beej Altenahr schitterde groeëte, gaele koeëlzaod-velde in de zón.

Waat 'n romantisch begin in de vulkaaneifel.

Neroth, 'n dörp met 856 inwoeëners kreeg d'r inens 'n laeventig stel beej veur ein wickendje.

In de vurrige ieuw dreide alles in **Neroth** um muús en veural 't make van moézevalle.

Vlakbeej 't hotel leet dan ouk 't **moézevalmuseum**.

Achter in de tuin van 't restaurant haet 'ne groeëte groep hendige minse de grutste moézeval van 6 beej 3 mtr. gebouwd .

'N kwante aanvölling op de schómmel en de zandbak.

Die moézeval steit vermeld in 't Guinness book of records sinds vurrig jaor Mei.

Dan neum se dien cafe-restaurant "**Mausefalle**", nogal wiedes.

Naeve 't hotel loog de **Salzgrotte**nou ja 'n groeëte kamer met ligsteul wao idderein

3 kwarter lekker kós relaxe.

Vic en Truus ginge op zaoterdaagmiddaag, same met nog wat nieje gaste oetröste in de Salzgrotte.

Van de salte lóch kries se 'n zaach vel en 't is good veur de lóchwaege.

Door de röstige meziék doemelde idderein weg, dus ouk Truus en Vic.

Maar Vic waar zoeë óntspanne det hae binnen 5 min. behuurlik loog te snörke.

De andere gaste deeje zich de oeërdöpkes in en doemelde vaerder,

Truus schaamde zich kepot, maar det is gaar neet nuuedig



want snörke is in Neroth de beste meneer um de muús weg te halde.

Op vriedaagaovend kwame d'r nao 't aete 2 verkleide muús binne die 'n ald leedje van

Rudi Carrell van zólder hadde gehaold euver; **Een muis in oud Amsterdam.**

Maak óg gen zörg, die muús hebbe we gevónde en Carla en Helmi ouk. Veurdet we op zaoterdaagmorge begóste met de oriëntatietog meuste we iers in de hoteltuin, wao den Bach doorhaer struimde, probere met 'n katrol wao 'ne bal aan hóng aan de andere kant van den Bach 'ne gas kaegels um te smiete.

Kint ge 't nog volge..... 't klink hiel listig maar allein den bal waar niej, Theo had de kaegels neergezatte en de res loog of stónd d'r al.

Det waar 't ierste löllige spelletje van 't wíekend maar de hoteleigenaer vónd 't zoeë leuk det hae euveral foto's van haet gemak.

Hae zóch nog ideeje veur 'n kinderfeesje en dao kós Rapido um waal aan helpe.

Kins se naó gaon wae weej ós al jaore mei bezig halde !



As se café restaurant **Mausefalle** binne kwaams stónd dich 'n volle vitrine met lekker gebak aan te kiéke.

Dao mósse van gepreuf hebbe, dus de eige bekkerie deej gooj zake.

Nao de gebroékelikke zaoterdaag-oriëntatietoch zoot 't grutste gedeilte van de club lekker boéte te miechele van 't gebak naeve den Bach of geneete van 'n glaas **Erdinger weisze.**

Idderein noom met zien eige loupgroepke nog efkes de opdracht door met drökke discussies euver de sportbein op det A-4 'tje.

Zelfs Gerda kós zien eige bein neet truuk en Helmie vónd det Rob zien bein d'r erg ónverdeilig beej hónge.

Dan as toetje op de zaoterdaag 't bekinde moéshouwe oftewaal bezigheidstherapie veur 60 plussers.

De spraekwäörd en gezegdes wao 'n moés in veur kwame waar efkes prakkezeere.

Zónder internetgespiek kumps se op kwante ideeje en de bliefs de ganse wandeling daomei bezig.

Ein venlose oetdrökking is; **Dao kinse de muus huure hooste.**

D'r zien zat nieje spraekwäörd te bedinke:



Kiek maar ens op dees site beej; Spreuken van het weekend.
'T mak gen fluit oet waas se invöls, de 3 gebrüder hebbe toch eur eige telling.

Dao hebbe we ós al beej neergelag.

Nao 't aete krece we 'n pamflet in de hand gedouwd van die **Kammerdienschwestern Johanna und Francisca.**

De gluifs 't neet; die 2 nónne van 't vurrig jaor ware wéer allein op stap.
Weej meuste 'ne kleine processie loupe taege de muús,

Wao die zote weit ik neet, want ik heb d'r gen ein gezeen.

Enfin de manne krece 'n fiepke um op te blaoze en de vrouwluuj meuste

Sintermertes veugelke zinge met 'n thieëlichje in de hand.

Heb geej al ens 40 man veur joker um 'n hotel zeen loupe,

Neet..... nou, dan waar dit 'n gooje gelaegenheid gewaes.

De nónne bleve gewoeën binne..... die meuste nog efkes de roeëzekrans baeje?



Onder 't aete stónde euveral kleine moézevalle op de taofel en dao woort duchtig met gespeult.

Rob waar **kampioen moézevallestapelaer**, hae wis neet van ophalde.

Gewoeën mazzel det d'r nao 'n oor nog 10 vingers aan zien hand zoote

Nao 10 oor, toen de letste aetgaste met zaachte hand weggesteurd ware, woort de zaal gedeiltelik óntruump want d'r kwaam 'n optraeje.

Nemus wis wat, det makde 't nog spannender.

D'r kwame 'n stel vrouwluuj, aan elkaar vasebonde met 'n lint, in 't **zwart /wit** gekleid de zaal binne geschaove.

De meziék begós en doordet ze alle 8 half wit en half zwart gekleid ware,

leek 't asof ein bein van de buurvrouw waar.

Probeer 't maar ens.

We hadde 'n paar kier geoeffend en vuuel gelache, 't waar nog gen 100 % maar veur 'n stelletje amateurs.....



Nao lang aandringe hebbe we nog 'ne kier gedans, 'ne arties mó't waat euver hebbe veur zien publiek !

Op zóndaagmorge zien we met zón 20 man nao **Altenahr** gereeje um langzaam aaf te bouwe.

'T waar weer 'n gezellig wiekend in 'n good hotel met prima verzörg aete en vrintelik personieël.

De vulkaaneifel is 'n moeje umgaeving um te wandele, al leepe die vulkane heej en dao flink umhoeëg of kómme die umlieëg ?

Hay, Frans en Theo, ge had weer 'n leuk plekske óetgezóch.

Bedank veur de organisatie en tot weer.

Elly van Elswijk



Commentaren

neroth door J. Theuerzeit en H. Theuerzeit-Hermans op 17-05-2014 om 10:29

Ellij

aan dich is , n schriefster verlore gegaon. Geweldig wie se alles zoe leuk kins beschrieve.

Bedank.

gr .Hannie